



सानसेयारि "बड'सा" ख्रौरोलाइयाव अमाज्यारि जिउजो लोब्बा थानाय रायथाय, बरन्थाय, अल', अल'बाथा आरु दावबायारि थावनि, पार्क बाइदिनि सायाव लिर्नाय लिर्बिदां दैथाय हर/ सानसेयारि "बड'सा" ख्रौरोलाइया खेबखानावै फोस्त्रावगोन्/

बड'सायाव लिर्हरनायनि हुद्दा ख्रालाम्, "बड'सा" ख्रौ नोथां, जौ बयबो आंगो ख्रालाम्/

सानसेयारि बड'सा मावखुलि

माइबं नोगोर, जोहोलाव दैमालु लामा

कक्राझार, बिटिसि-783370

Website: www.bodosanewspaper.com

BODOSA ★ A Bodo News Daily ★ Monday ★ 3 February, 2025 Kokrajhar, BTC, Assam ★ Vol.- 33, Issue No. 304 ★ R.N.I.Regd.No.40994/91, Assam Govt.Regd.No.IPRD.40/2006/3, ★ Rs.8/-

बड'फानि जोनोम थावनि दतमाआव खुंजानो गोनां मिरु एबसुनि 57थि बोसोर सालिया जथुम्मानि लाइ खुन्थिया गायसनबाय

एबसुनि 57थि बोसोर सालिया जथुम्माया बर' हरिनि थामोन्था, रैखाथि आरो ख्रौसेथिनि बिथाखौ लानानै खुंफुंजागोन: दिपेन बर'

कक्राझार, 2 फेब्रुवारि: बर' हरिनि माहारियारि सिनस्त्रि आफाद दुलाराय बर' फरायसा आफादनि 57थि बोसोर सालिया जथुम्माखौ देग्लाय बड'फानि जोनोम थावनि कक्राझार जिल्लानि सिडाव थानाय दतमानि बड'फा फोथारव सानत्रैनि मेहेर गोनां हाबाफारिजो खुंफुंजागोन। फेगौ मार्च दाननि 13, 14, 15 आरो 16 अक्टखालि सानत्रैनि हाबाफारिजो खुंनो लानाय बे



57थि बोसोर सालिया जथुम्मानि गाहाइ सायना सालिनि लाइ खुन्थियाखौ दिने गायसनबाय। आफादनि गोथार आर'ज मेथाइ रोजाबनायजो लोगोसे नेमखाथि बायदिये फु जा खालामानानै बोसोर सालिया जथुम्मानि गाहाइ सायनासालिनि लाइ खुन्थियाखौ गाहाइ आलासि महै आसामनि केबिनेट मन्थि उखाव गोरा ब्रह्मनि (□ 6 बिलाइआव)

ख्रौसेथि बर' सुबुं गौथुमनि सेथि गायसन्थाइ सान फालिदों बिसायख 'थि खुडाब्ला बिकेडब्लिउएसि दानायनि ओंथि गैया: इउबिपिएफ



गुवाहाटी, 2 फेब्रुवारि: थानाय 2020 इ माइथायनि 27 जानुवारिखालि जालानाय बिटिआर गोजोन गोरोबथानि मोनसे सागानगिरि आफाद ख्रौसेथि बर' सुबुं आफाद एबा इउबिपिअनिफ्राय गावखानानै गोदाने दाजानाय ख्रौसेथि बर' सुबुं गौथुम एबा इउनाइटेड बड' पिपुल्स फे डारेसन सुंद'थे इउबिपिएफनि सेथि गायसन्थाइ सानखौ साननैनि

मेहेरगोनां हाबाफारिजो खुंफुंजाय जादों। गुवाहाटी नोगोर एबा कामरुप मेट्रनि सिडाव थानाय आहमगाव बाथौ फुरिनि बर' थुनलाइ आफादनि ससियेल लिटारेरि काल्चारेल कमप्लेक्सनि लांगोनायाव 1 आरो 2 फेब्रुवारि अक्टखालि साननैनि मेहेरगोनां हाबाफारिनि गेजेरजो खुंफुंजाय जादों ख्रौसेथि बर' (□ 6 बिलाइआव)

बिटिसिनि बारग' लेडाइ गाहाइ-बिपिएफनि लेडाइ आफादगिरि खाम्फा बरगयारिआ मासि एंगारबाय



कक्राझार, 2 फेब्रुवारि: बिटिसिनि राजखान्थियाव मोनसे दुहाव थासारि सोमजिहोनाने दिने बिटिसिनि बारग' लेडाइ गाहाइ मावफुं सोद्रोमा आरो बिपिएफ दोलोनि लेडाइ आफादगिरि खाम्फा बरगयारिआ बिपिएफ दोलोनिफ्राय मासि एंगारबाय। खाम्फा बरगयारिनि मासि एंगारनाया बिपिएफ दोलोनि थाखाय खहा गोनां होन्ना सानजादों। बिपिएफ (□ 6 बिलाइआव)

तामुलपुरनि कुमारिकातायाव एमएलए काप भलिबल टुर्नामेन्ट खुंनो साखा-फारा



तामुलपुर, 2 फेब्रुवारि: तामुलपुर जिल्लानि कुमारिकाता आन्सलिक भवन लांगोनायाव नेसनेल थाखोनि भलिबल बादायलायनाय खुंनो साखा-फारा। तामुलपुर बियाबनि एम एल ए जलेन दैमारिनि बान्जायनायाव फेगौ 4 आरो 5 फेब्रुवारि खालाराव साननैनि हाबाफारिजो गिबि खेबनि थाखाय नेसनेल थाखोनि एमएलए काप भलिबल टुर्नामेन्ट खुंनो थि खालामदों। आसामनि गुबुन गुबुन भलिबल क्लाबनि (□ 6 बिलाइआव)

खरदैगुरियाव श्री श्री बंशी गपाल महाप्रभुनि 238थि नामघर गायसन्थाय सान फालिदों

भवानिपुर, 2 फेब्रुवारि: भवानिपुर बियाबनि सिडाव थानाय खरदैगुरि गामिनि जारिमिनारि श्री श्री बंशी गपाल महाप्रभुनि 238थि नामघर गायसन्थाय सानखौ मैया शनिवारखालि सानसेनि गेदेत हाबाफारिजो खुंनय जायो। खरदैगुरि श्रीमन्त शंकरदेब फोथारआव खुंनय श्री श्री बंशी गपाल महाप्रभुनि 238थि नामघर गायसन्थाय साननि फुं समाव खुगा मेथाइनि देंखोगिरि रज्जित तालुकदारनि सामलायनायाव नामघरनि भक्तफोरा फुं समाव धोरोमारि आर'ज खालामनायजों



सानसेनि हाबाफारिया बेखेव सत्येन्द्र दासआ बिरहोयो। जादों। बेनि उनावनो धोरोमारि गोसोखां मान बाउनाय फिरफिलाखौ गायसन्थाय सान हाबाफारिखौ खरदैगुरि गामि बान्जाय आफादनि आफादगिरि (□ 6 बिलाइआव)

द्वारकुसि बियाब दुलाराय बाथौ गौथुमनि रुफाथि माइथाय फोर्बोआ खुंफुंजाबाय

सुबुनि जिउआव रं रुफाजौल' गोजोनाय फैया, गोजोनाय मोनो थाखाय धोरोम सिबिनाय थानांगौ: बिस्वजित दैमारि

तामुलपुर, 2 फेब्रुवारि: तामुलपुर जिल्लानि सिडाव थानाय द्वारकुसि बियाब दुलाराय बाथौ गौथुमनि रुफाथि माइथाय फोर्बो आरो सान्जा तामुलपुर जिल्ला दुलाराय बाथौ गौथुमनि खुंगा 31थि बोसोरारि जथुम्माया मेहेरगोनाडे खुंफुं जाबाय। दिने नैथि साननि हाबाफारि बायदिये फुंबिलि समाव बायदि बायदि हाबाफारि मावफुंजायजों लोगोसे गोथार बाथौ आर'ज गाबनायखौ (□ 6 बिलाइआव)



उदालगुरियाव आथोन सेन्सिटिभनि सायाव सांग्रांथियारि मेल खुंदों

उदालगुरि, 2 फेब्रुवारि: बेटि बचाउ, बेटि पढाउ बिथांखिनि 10थि बोसोरारि आबुं जानायखौ लोब्बा लानानै मैया रबिबारखालि उदालगुरिनि शंकरदेब मिशन गेजेरारि फरायसालियाव आइजो आरो गथ'सा जौगाखां बिफाननि सिडाव थांखि लानाय आइजो जौगाखानायनि थाखाय हाब, उदालगुरिनि बान्जायनायाव आरो एमआरएसडि एनजिअनि हेफाजाबाव आथोन सेन्सिटिभनि सायाव सांग्रांथियारि मेल खुंनय जादों। फरायसालिनि गोरायुं



मुनिन्द्र कुमार दासनि आफादगिरि मासि सामलायनायाव खुंनय मेलआव गिबियावनो बिथाडा मेलनि थांखिलाइखौ बुंथिना होदों। हाबाफारियाव फुंखा सुबुं महै एमआरएसडि एनजिअनि आफादगिरि डू मिलन दासआ आथोन सेन्सिटिभनि सोमोन्दै गुवारै बिबुंथि लाखिनायजों लोगोसे बे बिथिडाव आइनआरि (□ 6 बिलाइआव)

कलकातानि आसाम भवनआव भवानिपुरनि दिप्ती प्रकाशनि बिजाब बेखेवदों

अलका बुजुर बरुवानि बिजाब 'द्रौपदी' खौ बांलायाव राव सोलायदों

भवानिपुर, 2 फेब्रुवारि: असमीया साहित्य चर, कलकातानि बान्जायनायाव आरो बजालि जिल्ला भवानिपुरनि सेबखांग्रा (प्रकाशन) आफाद दिप्ती प्रकाशनि हेफाजाबाव रबिबारखालि कलकातानि आसाम भवनआव मोनसे गोनांथार थुनलाइनि हाबाफारियाव दिप्ती प्रकाशनि गेजेरजो सेबखांजानाय मुंदांखा खन्थाइगिरि-सल'भागिरि अलका बुजुर बरुवानि सुजुनाय 'द्रौपदी' मुं बिजाबनि बांला राव सोलायनायखौ गोथारे बेखेवनाय जादों। जर'खा राव सोलायगिरि बासुदेब दासआ असमीया बिजाब द्रौपदीखौ राव सोलायना सुजुदों। बिजाबखौ हाबाफारि बायदिये कलकातानि मुंदांखा सोलोथाइगिरि आरो राव सोलायगिरि डू नब' मालती नेवग चक्रवर्तिआ (□ 6 बिलाइआव)



भवानिपुर, 2 फेब्रुवारि: पाठशालायाव खुंनय 77थि नै बोरोसारि जथुम्मानि दिने थामथि सानाव 1 लाखनिखुइ बांसिन सुबुंफोरा बाहागो लाफेदों। दिने फुं समाव जथुम खुंनय जायगायाव 'असमीया ध्रुपदी राव' आयदाफारिनि मोनसे गोसो बोजानाय सावराय जथुम खुंनय जादों। मख'नो गोनांदि, दिने साननि 11:30 रिगानिफ्राय पाठशालायाव मोनसे गेदेत हारिमुआरि लामा हान्जा सुरनाय हाबाफारि खुंनय जादों। आसाम साहित्य सभानि गोदानै



बिसायख' जानाय आफादगिरि हारिमुआरि लामा हान्जा सुरनाय 11:30 रिगायाव हारिमुआरि बसन्त कुमार गस्वामीखौ लानानै हाबाफारिखौ लादों। साननि (□ 6 बिलाइआव)

